

Gavino Manca

SA ZIMINEA

3° premio (Logudorese)

Cantas bellas tranquilladas seradas
e notte de ierru tempestosu,
a innanti 'e su fogu ischentiddosu
pro m'iscaldire cun sas manos paradas.

Cara ziminea a ue sun'andadas
sa greglia pronta cun s'ispidu ozzosu,
cando pianu pianu, senza posu,
giraiana saltizzas profumadas?

Sa nostalgia de su fog'azzesu
cun d'unu muzzigone ruju ruju,
lu ido in su sonnu dae tesu.

Ido su fog'azzesu, intr'unu muju,
e a su caldu mi che dromm'in mesu,
sa conca bascia cun s'arcadu tuju.

IL CAMINETTO

Quante belle e tranquille serate e notti tempestose d'inverno ho passato davanti al fuoco scoppiettante con le mani distese al tepore! Caro camino, dove son finite griglia e spiedo untuoso, dove pian piano, senza mai riposo, giravano salsicce deliziose?

Mi prende la nostalgia del fuoco ravvivato con tizzoni roventi, tanto che li rivedo in sogno, anche lontano.

Vedo sterpi bruciare allegramente e m'addormento al caldo che ristora chinando il capo sul collo incurvato.